



# Tir Yimyim

www.tiryimyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimyim@gmail.com

TAPAK 8 Yangia anidakangma : Tir Yimyim

tiryimyim@aolima

tir yimyim

TAPAK 7

WTA Rankings: Aryna Sabalenka  
World Number 2 kumogo

Peshawar kubok mosque ka nung  
bomb pokdaktsü; nisung 28 asü



VOL. XX NO. 109 (ADOK 109)

DIMAPUR SANGTENNÜ (TUESDAY)

ANEJETI (JANUARY) 31, 2023

₹ 5.00

## ED-i Kohima nung camp office lapokogo

**Dimapur, January 30, 2023 (TYO):** Nagaland assembly election tiptema aser ochishia agitettsü atema Enforcement Directorate (ED)-i Kohima nung camp office ka lapokogo.

Guwahati nung ED indang sub-zonal office ajanga item maparen ketdangsüa reprangtsü ta Nagaland chief electoral officer indang media cell ajanga metetdaksü.

Election mapang senotsü tim mesüi amshiba putetra temerenshi alitsü. Public-i iba ken o Kohima nung ED indang control room nem 8837470460 ajanga osang agütsüsü akok ta parnokisa ashi. Külen, Nagaland Governor

ajanga DGP/AGDP/IGP/CP/SP nungi head constable aser constable (Home Guards dena) ajak election dak sendakba ketdangsürtem ta mapa lezmüksüogo.

Nagaland Legislative Assembly 2023 metembang tashi parnoki iba mapa inyaksü ta Nagaland Governor-i Representation of People Act 1951 nung Section 28A kubok iba tetuyuba agütsüogo.

Police ketdangsürtemi election dak sendakba mapa shitaki meinyakra Election Commission nem telangzüba agütsüsüla ta CEO indang media cell ajanga metetdaksü.

## NSCN (IM)-i AR sepaitem apuba atema sasar

**Dimapur, January 30, 2023 (TYO):** January 27 nü NSCN (IM) indang general field training headquarters anasa Assam Rifles den mepetmesü adokba atema sasa bilemer ta MIP, NSCN/GPRN sangdong ka nung ashi.

"25th Assam Rifles sepaitemi 1 km radius telatet raksar telungi aitba ajanga iba ya atalok. Ajisüaka ceasefire tangatetba nung iba ken o angatettepogo" ta parnoki metetdaksü.

Iba mapang telok anaprong tsütsü prangpong rakzüka kecha maliasü aser telok anaprongi salemtaper senshitsu mulungtep. Iba tatalokba indang video clips kar social media nung prokshiba atema sasar saka iba ya Naga army-i memetet prokshiba liasü ta MIP-isa ashi. Social media nung aibelena

video prokshirtem tenung nung NSCN aser Naga army ajanga tatok meshir, ta parnokisa metetdaksü.

1997 kum ceasefire sign sütepbba nungi masetshii lir anungji tarutsü nung ibala mesükba mataloktsü imlar. Naga army aser Indian armed forces-i ceasefire ground rules akhümtsübutsu imlar, ta MIP-isa ashi.

January 27 nü NSCN-IM-i Nagaland kubok Jalukie tesem nung mapa lezmükja aliba 25 Assam Rifles sepa 31 tashi apu.

NSCN(I-M) special team ajanga Assam Rifles sepaitem apu aser parnok ghonda 3-4 shi ka parnok headquarters nung yur chiok. January 27 nikongdang 2:30 ako meta AR sepaitemi Naga Army camp area telungi aitba atema apu.

## April 1 nungji sorkar gari lakh 9 agientsü: Gadkari

**New Delhi, January 30, 2023 (Agencies):** Centre aser state sorkartem, transport corporations aser public sector undertakings indang gari lakh 9 shi ka gari tasentem ajanga melenzüksü ta Union minister Nitin Gadkari-i Hombarnü metetdaksü.

Item gari ya kum 15 ser tejakdang yanglubatem lir aser April 1, 2023 nungi mamshitsü, ta pai ashi.

FICCI ajanga ayongzüka sentong ka nung jembidang Gadkari-i iba osang metetdaksü.

Centre sorkari ethanol, methanol, bio-CNG, bio-LNG aser electric vehicles amshitsü atema mapa aika inyakdar ta paisa ashi.

"Kum 15 den tema tejen gari lakh 9 tashi agientsü atema onoki mulunga agizükogo. Ano mokozü menentsüba bus aser garitem ajak agientsü aser gari

tasentem agi melenzüksü" ta pai metetdaksü.

"Iba ajanga mopung menenba khuret ajema akümtsü" ta Road Transport and Highway minister-isa ashi.

Iba nung special purpose vehicles (armoured and other specialised vehicles) madentsü, ta Road Transport and Highway Ministry-i metetdaksüogo.

"Kum 15 sülen garitem agienba ya Registered Vehicle Scrapping Facility ajanga inyaksü. Iba ya Motor Vehicles (Registration and Functions of Vehicle Scrapping Facility) Rules, 2021 nung lateta aliba ama inyakyimtsü" ta Ministry-isa ashi.

Prime Minister Narendra Modi-i 2021 kum National Vehicle Scrapping Policy tenzüksü aser iba ajanga gari tejentem aser mokozü menentsüba garitem shilem lemsar agientsü.

## Mahatma Gandhi tasüba anogo bilemteta among



Hombarnü New Delhi nung aliba Raj Ghat nung President Droupadi Murmu-i Mahatma Gandhi nem tetushi agütsüba angur.

**New Delhi, January 30, 2023 (Agencies):** Mahatma Gandhi asüba anogo tenung nung Hombarnü Gandhi Smriti, New Delhi nung sarasadem sentong ka ayonga agiogo.

Iba sentong nung Prime Minister Narendra Modi aser Vice-President Jagdeep Dhankhar na aden.

Linüki Hombarnü Mahatma Gandhi asüba anogo bilemteta tetushi agütsü aser President Droupadi Murmu o Prime Minister Narendra Modi nati Raj Ghat nung narö yuja tetushi agütsüogo.

Vice President Jagdeep Dhankhar-ia Mahatma Gandhi nem tetushi agütsü.

"Bapu indang Punya Tithi nung ni pa tsüngdang apudaker aser pa tangatetbatem bilemteter. Asen linük tenzükba nung takum bendanga agütsür ajak ni bilemteter. Parnoki bendanga agütsüba kodanga mamatsü aser India renloktsü atema tenangzüka agia maneni inyaksü" ta PM Modi-i ashi.

"Mahatma Gandhi asüba anogomung nung tetushi million aika agütsür. Pai linük Atmanirbhar akümtsü asenok ajungmeso. Pa indang merükmeju, Swadeshi aser Amrit Kaal tetsü oshi tangatetbaten beshiba ajanga pa nem tetushi agütsüsü" ta Union Home Minister Amit Shah-ia

ashi.

Tanü Raj Ghat nung Mahatma Gandhi nem tetushi agütsürtem rongnung Defence Minister Rajnath Singh, Lok Sabha Speaker Om Birla aser Delhi Lieutenant Governor Vinay Kumar Saxena nunger dena liasü.

Mahatma Gandhi-i takum bendanga agütsüba aser pa senmang tushitsü atema India sorkari January 30 ya Martyrs' Day amongtsü sangoktsü.

Martyrs' Day dang Shaheed Diwas ta ajar aser iba ya kumshia January 30 nü amonger, Iba anogomung nung linük nüjiso atema rara nung takum bendanga agütsür ajak tushir.

## Power supply aser internet/telecommunication atema senden amen

**Dimapur, January 30, 2023 (Agencies):** January 30, 2023 nü Nagaland Chief Electoral Officer V. Shashank Shekhar, IAS-i power supply aser internet/telecommunication network atema senden ka ayonga menogo.

Election nung IT applications aika amshir aser itemji permissions, nominations, poll data aser counting data amala maparen lir, ta CEO Shashank-i ashi.

ERONet ajanga Electoral Roll mapa inyaker, election mapang video conference meetings/trainings teti alir aser polling stations nung webcasting asür, anungji election mapang power supply aser internet/telecommunication network tajung alitsüla, ta paisa metetdaksü.

Senden nung meta talang pilar aliba district tem nung power supply shitak mangur aser iba

ajanga IT systems aser power backups nung timtem ajurur ta senden nung SIO. NIC-i ashi. Idangji Addl. Chief Engineer (D&R), Power Department ajanga polling stations nung electrification mapa inyakdarr aser yakta tembangtsü ta ashi.

Iba senden nung Department of Power, Department of IT &C, NIC aser TSPs - BSNL, Reliance-Jio, Airtel, Vodafone-Idea nungi teshimtet nübotem aden.

## NPF-i Eastern Nagaland nunga candidate shimtsüsa akümtsü

**Dimapur, January 30, 2023 (Agencies):** Naga People's Front (NPF) ya political party ka asünung Eastern Nagaland nung candidate shimtsüsa akümtsü ta NPF secretary general Achumbemo Kikon-i ashi.

"Onoki ENPO nunger tebilemba aser taginübatem akhümtsübur. Parnok inyakba mapa onokia pelar. Ajisüaka political party ka ama onoki ENPO tesem dena constituency

ajak nung candidate shimtsüsa akümtsü saka onoki ENPO nung alirtem tangatetba akhümtsübutsu" ta pai ashi.

"NPF-i onük aika jembioigo aser constituency balala nungi candidate tem asadangogo. Onoki ticket meshir ajak jungjunga asadangtsü aser iba sülen anogo ka-ana sülen telemtetba agitsü" ta Achumbemo Kikon-isa ashi.

February 3, 2023 tashi nung

NPF-i candidate list renemtsü aser party manifesto sayatsü ta paisa ashi.

Osangbenertemi candidate kwi tokteptsü bilemer ta asüngdangdang "constituency 60 prong nung tokteptsüsa lir" ta NPF secretary general-i langzü.

"Onoki menden kwi nung tokteptsü ano melemtet saka Nagaland state ajungalen nungi candidate aikati ticket meshia lir" ta paisa shisem.

### DC & DEO Dimapur-i voter awareness video reel sayatsü



DEO Dimapur SVEEP Campaign nung shilem ka ama DC & DEO Dimapur, Sachin Jaiswal IAS ajanga January 30, 2023 nü voters awareness video reel ka sayatsü dang tangokba noksa nung angur.

**Dimapur, Aenjeti/January 30 (TYO):** Deputy Commissioner & District Election Officer Dimapur, Sachin Jaiswal IAS ajanga DEO Dimapur SVEEP campaign nung shilem ka ama

voters awareness video reel ka January 30, 2023 nü pa indang office nungi saya liasü. Iba minute ka talang video reel nungya Mr Dimapur Aosunep Tzudir-i lanurtem aser

taintem dang clean election aser pei vote jenjang indang shisa agütsür. Iba video sayaba sentong nung ADC aser DPRO nungertem dena liasü.

### DC Kohima-i loudspeaker kumdanga amshitsü metetdaksür

**Dimapur, Aenjeti/January 30 (TYO):** Deputy Commissioner, Kohima, Shanavas C, IAS ajanga sangdong ka nung ashiba agi, loktiliba, tamangba yimsü, yimtenren dak sendakba sentong balala nung loudspeaker tem mela aliba dak alia amshiba ya yimya ka ama lir aser aruya aliba tatidang mechi kaketshirtem pei tatidang asoshi tajungtiba nung renemtsü atema loudspeaker amshiba tsütsü teinyaktsü aser temetetsü kar sangdongogo.

DC ajangasa ashiba agi, nüburtemi amshiba tesemtem kong loudspeaker mesüra public address system mesüra danga ola amshir, yangji noise level ya ajungben rongdak nungdak adokba mapang dak alia aonung (aonung 10:00 aser anepdang 6:00 ako tsüngta) 10 dB (A) dang tali masütsüla; drum mesüra tom-tom matemtsüla mesüra trumpet maputsüla mesüra instrument kecha matemtsüla mesüra sound amplifier kecha mamshitsüla.

Juri meyong sound system indang peripheral noise level ya 5 dB (A) dang tali masütsüla, Noise Pollution (Regulation and Control) Rules, 2000 ajanga nisung aliba tesem nung permissible limits ya anungdang 55 dB aser aonung 45 dB asütsü mela lir. Iba sangdong ya Government of India, National Commission for protection of Child Rights, New Delhi ajanga sangdongba nung lephsia shidak inyaktsü atema agütsür, ta ashi.

### Kohima nung civil, Magistrates & Inspector tem training agi

**Dimapur, Aenjeti/January 30 (TYO):** 14th Nagaland Legislative Assembly 2023 dak sendakba nung civil, Magistrates & Inspectors training ka Deputy Commissioner, Kohima indang Conference Hall nung January 27, 2023 nü agia liasü.

Iba sentong nung DC & DEO Kohima, Shanavas C, IAS ajanga tarur pela agizüka liasü. Pai cVIGIL Magistrates tem dang saksalema alitsü ashi, kechiaser ibai mapang tatakzük yur inyakba exercise ka lir. J.G. Lorin, Sr. Tech. Director

& DIO (NIC) & Nodal Officer (IT), Kohima ajanga cVIGIL indang totuyuba aser teinyaktsütem tejangja lemsatapa liasü. Iba training nung EAC Probationers (2021 Batch) tema dena liasü.

### ATMA Kobulong Block nung demonstration sayu



**Dimapur, Aenjeti/January 30 (TYO):** Mokochung kübok ATMA Kobulong block ajanga Yimchal nung January 30, 2023 nü "Varietal Performance of Maize var.HQPM-1, HQPM-3" indang demonstration sayua

liasü. Iba sentong nung shisalen sayur Tsuktirenla S Jamir, Assistant Technology Manager, ATMa ajanga ashiba agi, azü (maize) nung genetic yields tali aliba ajanga 'queen of cereals'

ta ajar. Lai iba mapang alu renemtsü, seed rate and sowing, nutrient management aser water management indang jembia liasü. Lai metsü yokba, tetong adokba, tepen apongba aser ruzükba indang telemsa aser yimyatem rateta shia liasü. Iba mapang intercultural operation, mesen aser tashidak anepaluyim indanga rateta ashi. Maneni Fall army worm (FAW) ketdangsüba indanga jembia liasü. Sentong tatemi District Agriculture Office, Mokochung ajanga agütsüba Maize Seeds (var.HQPM-1, HQPM-3) tem aluyimer nem lema agüja liasü. Iba sentong nung aluyimer ter dena liasü.

### Assam Rifles tem small arms firing alitsü

**Dimapur, Aenjeti/January 30 (TYO):** Deputy Commissioner Kohima, Shanavas C ajanga sangdong ka nung ashiba agi, Assam Rifles tem February 1-20, 2023 anogotem Firing Range Kohima Garrison nung small arms firing alitsü.

Anungji Kohima Town kübok yimtsüngtem, ward panchayat/colony balala nung alir nüburtemi iba mapang Firing Range telungi maitsü aser shiruru anir maotsü metetdaksür, ta sangdong ajangasa ashi.

### Sangtemla NDPP lanurtem office anener

**Mkg.Jan.30 (TYO) :** 26 Aonglenden Assembly Constituency nung NDPP lenisüba dak temulung lemtettsüsa malinung, tang nungi Sangtemla NDPP Youth Wing

26 mali akümer ta tanü sangdong ka ajanga parnok president, Imsüwapang Jamir, vice president Tiasünep aser General Secretary Imnanüngsang nungertemi metetdaksüogo.

### NSCN/GPRN-YA telok nung kilonser shim

**Dimapur, Jan.30 (TYO) :** NSCN/GPRN-YA telok nung tawa mapa alem dang, Wb.Imti Imchen nem Public Relation & NGOs mapa lemzüksüogo,

anungji tang nungi Naga nunger lokti tentet ajaki pa den nungdak mapa ajak nung amalitepa tongteprateptsü metetdaksüogo

### Civil Secretariat nungi DHFW lenmang yanglushi



Dr. Temjentsungla, Principal Director DHFW & Dr. Theyiephrezo Khimiao, Director (Dental) nati lenmang yanglushiba repranga jajaba noksa nung angur.

**Dimapur, Aenjeti/January 30 (TYO):** Principal Director, Dr. Temjentsungla, Directorate of Health & Family Welfare lenisüba kübok kanga tongtipang lenmang Civil Secretariat nungi Directorate of Health & Family Welfare aser Home Guard Department tashi January 28, 2023 nü nungi yanglushi tenzük.

agüja lenmang yanglushitsü maparen tenzük. Tang yanglushiba lenmang yagi yangji inyaker, tesemdangertem aser danga office tem nung maparen balala inyaka jajar asoshi teyari tulu asütsü, ta lai ashi. Iba lenmang yanglushiba mapang rongsen aser nübu agi yaritepba department ajunga dang pelar, ta lai ashi.

Iba lenmang ya meyi mapang tali mejungi kuma anasa aliba office tem ajunga nung mapa inyaker aser senzüsempogertem timtem ajurua liasü. Office mapa asoshia iba lenmang ya kanga tongtipang asünung Principal Director, Dr. Temjentsungla-i temolung

Laisa departments of Home Guard, DIPR, Horticulture, Statistics & Economics, Transport, Land Resources, Science & Technology, Water Resources aser Directorate of Health & Family Welfare indang Officers & Staffs tem dang pelaba shisema liasü.

Ministry of Youth Affairs and Sports

Ministry of Youth Affairs & Sports nung Youth-20 dak sendakba nung Consultant Engagement/hiring atema

Ministry of Youth and Sports, Government of India ajanga tsünglanglen agüja aliba atema application meshir

Sl.No	Position	Vacancy	Age Limit (Not more than)	Period
1	Consultant (Y20)	2	45	For India's G-20 Presidency till February, 2024 on contractual basis

Eligibility, scope of work, remuneration amala atema imlibilema Ministry of Youth Affairs and Sports indang website url: <https://yas.nic.in> nung reprangang. Application agütsütsü asoshi tatem bang anogo ya iba osang adoker anogo 14 tsüngta asütsüla. Application junga fill up sür yarise ma documents tem tsünglanglen agüja aliba mali ids mashi ka dangi yoktsü akok: (i) dharmendra.yadav@nic.in (ii) admn.yas@nic.in

CBC 47107/11/0014/2223

# Congress party indang 'Bharat Jodo Yatra' tembangogo

**Srinagar, January 30 (Agencies):** Hombar nung Congress lenir, Rahul Gandhi-i, 'Bharat Jodo Yatra' nükjidong ya linük nung secular tangatbatem kümzüksü atema liasü, kechiyong BJP aser RSS-i item tangatbatem anema inyaker, ta metetdaksü.

Anogo 136 tashi tetsüing agi jaja yatra nung shilem agia aruba Srinagar nung

tembangba rally nung jembidang Rahul Gandhi-i, "Ni iba sentong (Yatra) ya ni asoshi mesüra Congress asoshi masü saka linük nürburtem atema agi. Onok nükjidongji iba linük tamendakdak raksatsütsü tangatbatem anema nokdaksü atema liasü," ta metetdaksü.

Hombarnü Srinagar yimti nung rürjep kanga ala, ajiüsüka

yatra agia liasü. Taoba mapang Ato kilonsertem- tetsü (otsüla), Indira Gandhi aser tebu, Rajiv Gandhi na tepsetba osang phone ajanga pa nem metetdaksüba bilemteta Rahul-i, iba ama tashiyim amshirtemi iba tejashiji kodanga mangatetsü, ta ashi.

"Modi, Amit Shah, BJP aser RSS ama rara ajungshirtemi

iba tejashiji kodanga mangatetsü. Army kibongtem, Pulwama nung asüba CRPF sepa kibongtem aser Kashmir nungeri dang iba ama tejashiji angatetsü," ta Rahul Gandhi-i metetdaksü.

Rahul Gandhi-isa BJP bangdak lenirtem dang pai inyakba ama Jammu & Kashmir nung yatra agiang, ta ayongzük.

Karibo pa dang Jammu & Kashmir nung mejajatsüla, kechiyong nai lendong ajurutsüa akok, ta ashi, ta metetdakja pai, "Ni ibaji shisadanga liasü saka ni ozü lima nung kü nürburtem (J&K) den jajatsü telemtetba agia liasü. Kashmir nungertemi kü nem grenade bomb magütsü saka temeim dang agütsü," ta metetdaksü.



**Dr. Homi Jehangir Bhabha**  
1909 – 1966

**Government of India**  
**DEPARTMENT OF ATOMIC ENERGY**

Recruitment of  
**ENGINEERING GRADUATES AND SCIENCE POSTGRADUATES AS SCIENTIFIC OFFICERS**

Through the  
**BHABHA ATOMIC RESEARCH CENTRE TRAINING SCHOOLS**

For the  
**ACADEMIC YEAR 2023 - 24**



**WHY SHOULD I JOIN THE DEPARTMENT OF ATOMIC ENERGY?**

The Department of Atomic Energy (DAE) was established through a Presidential Order on August 3, 1954, to be administered directly by the Prime Minister. The vision of DAE is to empower India by the use of technology for creation of wealth leading to a better quality of life for her citizens. DAE is engaged in the design, construction and operation of Nuclear Power/Research Reactors and the associated Nuclear Fuel Cycle Technologies covering exploration, mining and processing of nuclear ores, production of heavy water, nuclear fuel fabrication, fuel reprocessing and nuclear waste management. It is also engaged in basic cutting-edge research in frontier areas of Engineering and Science. The spin-off technologies, human resource being developed and technical services being rendered by DAE have been of great help to Indian Industry. Since 1956, DAE has been recruiting Scientific Officers annually through the Bhabha Atomic Research Centre (BARC) Training Schools to drive its various nation building programmes. This advertisement is to invite applications for the recruitment of Trainee Scientific Officers (TSOs) for the 2023-24 academic session of the BARC Training Schools. After successful completion of the Training Programme, the TSOs will be absorbed as Scientific Officers in a Group-A Post of the Government of India.

**WHAT ARE THE RECRUITMENT SCHEMES AND THE SELECTION PROCESS?**

**Orientation course for Engineering Graduates and Science Post Graduates (OCES)-2023 (Scheme-I):** This is a one-year Training Programme for Engineering Graduates or Science Postgraduates. The Training Programme is conducted in the BARC Training Schools located at BARC, Mumbai / Indira Gandhi Centre for Atomic Research, Kalpakkam / Raja Ramanna Centre for Advanced Technology, Indore / Nuclear Fuel Complex, Hyderabad / Atomic Minerals Directorate for Exploration and Research, Hyderabad. Trainee Scientific Officers (TSOs) will be paid a stipend of ₹ 55,000/- p.m. and a one-time Book Allowance of ₹ 18,000/- during the Training period.

**DAE Graduate Fellowship Scheme (DGFS)-2023 (Scheme-II):** Under this scheme, Engineering Graduates who have excelled in the Selection Interviews for the BARC Training Schools' programme and have independently secured M.Tech. admission in 2023, at DGFS Institutes in selected specializations, will be offered a two-year DAE Graduate Fellowship. DGFS Fellows will be reimbursed their tuition fee during M.Tech. and additionally, be paid a stipend of ₹ 55,000/- p.m. and a Contingency grant of ₹ 40,000/- per annum for two years towards M.Tech. project related expenses. On successful completion of M.Tech., the DGFS Fellows would join BARC and IGCAR as Scientific Officers, with additional increments (subject to conditions).<sup>§</sup> IIT Bombay & IIT Madras are under consideration.

The selection procedure, which is common for both schemes, has two stages. An initial screening will be done either by a valid GATE-2022 / GATE-2023 score in the applicable GATE discipline or by performance in an Online Test to be conducted in 1<sup>st</sup> April to 2<sup>nd</sup> April, 2023. As cut-off GATE scores for screening into Selection Interviews will be decided only after the Online Test has concluded, candidates are advised to maximize their chances of being screened into the Selection Interview stage by *qualifying both the screening avenues detailed above*. In the second stage, the screened in candidates will be called for Selection Interviews to be held in Mumbai and Hyderabad during May-June, 2023. Final Selection is solely on the basis of performance in Selection Interview, subject to medical fitness. #Only for Geology.

**WHAT ARE THE QUALIFYING DEGREES? HOW DO I APPLY?**

A minimum of 60% aggregate (or minimum of 6.0 CGPA on the scale of 10.0 or equivalent) as per the ordinances of the respective university, in the qualifying degree is an essential eligibility requirement. Science postgraduates are further required to have secured a minimum of 60% aggregate in B.Sc., to make them eligible. The eligible disciplines and degrees are as follows:

- For Engineering Disciplines:** B.E. / B.Tech. / B.Sc. (Engg.) / 5-year Integrated M.Tech. in Mechanical, Chemical, Metallurgical\* / Materials\*, Civil, Electrical\*, Electronics\*, Instrumentation\* Engineering, Computer Science / Computer Engineering / Computer Science & Engineering, Nuclear Engineering / Nuclear Technology / Nuclear Science & Technology.
- For Science Disciplines:**
  - (a) M.Sc. in Physics, Applied Physics, Chemistry, Biosciences\*.
  - (b) M.Sc. / equivalent M.Tech. in Geology, Applied Geology, Applied Geochemistry, 5-Year Integrated M.Tech. in Geological Technology,
  - (c) B.E. / B.Tech. in Engineering Physics.

\* Applicants in these disciplines may refer the Information Brochure on the Online Application Portal for list of eligible degrees and disciplines.

To apply online, applicants should visit the website <https://www.barcoocessexam.in> and follow the instructions mentioned therein.

**Website will also provide additional detailed information, including eligibility conditions, for the present recruitment. DAE strives to have a workforce that reflects gender balance and women candidates are encouraged to apply.**

**Other Opportunities:** Candidates applying for OCES/DGFS-2023 may be considered for direct recruitment in Electronics Corporation of India Limited (ECLIL) and Institute of Plasma Research (IPR). Such candidates will be governed by stipendiary norms of ECLIL and IPR and terms and service conditions of ECLIL and IPR on absorption.

**ONLINE APPLICATION PROCESS BEGINS: February 1, 2023\*\***

**ONLINE APPLICATION PORTAL: <https://www.barcoocessexam.in>**

**LAST DATE FOR REGISTERING ONLINE APPLICATION: March 2, 2023\*\***

**ONLINE APPLICATION PORTAL: <https://www.barcoocessexam.in>**

**LAST DATE FOR SUBMITTING APPLICATION: March 3, 2023\*\***



भारत 2023  
भारत की सेवा में प्रयास  
भारत की सेवा में प्रयास  
भारत की सेवा में प्रयास



EREGISING AUTHORITY: In all matters concerning the OCES/DGFS-2023 recruitment, the decision taken by the Competent Authority in BARC, Mumbai shall be final and binding on the Applicants and they shall abide by the decision in totality. The Applicants while representing the matter shall not directly approach the Courts and will wait till the outcome of the decision by the Competent Authority in BARC. In case of any claims or disputes arising with respect to the OCES/DGFS-2023 recruitment, the venue of such proceedings arising out of or related thereto will be governed / maintained in accordance with the laws of Republic of India subject to exclusive jurisdiction of the courts of Mumbai, India.

**\*\* All dates are tentative and applicants are advised to regularly visit the website <https://www.barcoocessexam.in> for updates**



## TIR YIMYIM YIMOBILEM (EDITORIAL)

DIMAPUR SANGTENNÜ, AENJETI (JANUARY) 31, 2022

### Mandate Aser Manifesto

- Tangsen Lemtur

**T**ang ama election atongdang asenoki asentenshir 'Mandate' aser 'Manifesto' tetezü ano tali jangjashitsüji tongtibang. English oshi nung 'mandate' tetezü nüburtemi parnok madak yimsü südaktsütsü atema ketdangsertem shimba, ta ashitsü akok mesüra nüburtemi vote agüja lenirtem shimteta yimsüsüba tashi agütsüba, ta rajemtsü akok. Anungji tongmelang agi 'mandate' ji nüburtemi parnok madak yimsü südaktsütsü atema lenir mesüra party ka nem tashi agütsüba lir. Anungji lenirtemji parnok sasa lenisüba menden nung amenba masü saka asenoki shimteta parnok nem tashi agütsüba lir. Ano nisung aikati candidate dak rangloker masü saka party manifesto nung rangloker party shimteta vote agütsür, ajisüaka election nung takok anguba sülen lenir karibo pei party toktsür tanga party nung adener. Yamaji party ka nunga teret majang seplasepshirtema aika lir; ibaji nüburtem ashiochtsüba den kasa asütsü. Ano külen 'manifesto' ya yimtenren party temi parnoki election nung takok anguba sülen inyaksü nangzükba onüktem tezüluba nung agütsüba 'document' lir. Anungji shidakba agibo tang ama election atongdang taoba assembly election manifesto nung nangzükbatem shilem kwi party-i inyaker? ta nüburtemi asadangtsü mapang ka lir. Manifesto nung parnoki nangzükba ama seret atura tanaben parnok nemsä 'mandate' agütsütsüji tetemsü asütsü. Tanga state tem nungbo sorkari taoba election manifesto nung nangzükba ajakji mesüaka shilem 70-80 bosa inyaksü merangteper, aser nüburtemia sorkari manifesto nung nangzükbatem tu shilem kwi shibo inyaker? ta asadanger, ajisüaka asenokbo aikati taoba assembly election (2018) nung party balalai manifesto nung nangzükba onüktem tu amadokogo, aser lepa reprangshitsüa mapiteter. 2017 küm Manipur assembly election nung PRJA candidate tem- Irom Sharmila Chanu, Erendro Leichombam aser Najma Bibi nungeribo tenangzükba agia affidavit nung sign ser agütsü, aser ibaji Manipur assembly election nung otsü tasen ka liasü. Iba mapang nungji Imphal, Manipur Press Club nung parnoki party manifesto sangdongba sülen Cheirap court-i oa Oath Commissioner tsüngdang affidavit nungji sign ser agüja liasü. Affidavit nungji parnoki, "Ni legislative assembly nung züngsem ka shimra, ni teshimtet züngsem ka ama kü mapa ochishia aser temolung agüja inyaksü. MLA Local Area Development Fund aser tanga fund ochishia amshitsü aser senotsü indokba nübur tsüngdang melangzütetra, ni züngsem nungi anentsü, aser ozüng nung aliba ama merenshiang," ta azüngashia liasü. Yamaji tang asen lima assembly election nunga candidate temi Sharmila nunger amaji affidavit nung azüngashitetra ajungtsü südi ta bilemer. India linük inyakyim (system) ajangabo alima renloktsü aser nüburtem anisüngzüka alitsü atema tetemsü lenirtem shimtsü atema nüburtem nem vote temeden agütsür, ajisüaka asenoki iba maongkaji junga magiteter. Tang asen lima tia, rongsenketzüng jenjang, loktiliba jenjang aser sorkari inyakteta aruba mapatem asadanga telemtetba shidak agia lenirtem/sorkar shimtsüji tongtibang. Senso tajung shiai kanga teshisadangba kaa tesüiba mapang party/candidate temi inyakra mapatem lenla ajungalen asadanger ang pei senti votes agütsütsüla.

## OLEMSABANG

### AZÜMESEN ASER LALUSHIPONGBA AGI KIBONG SENAK TIA-i YIDAKTSÜR

- L. Kika Pongener

Tang asenok aliba putu ya mapa meranga inyaker-ah tepok masüngba putu ka nung asenok alir, kechiyong libalirotsü, lija-liyongtsü, oli-oratsü kanga tasak, saka senotsü bener arulen lenmang sadema mali. Akhidang asen tsürabur mapangbo kibong nung alir ajunga külemi alu meranga inyakra, ibajagi pei kibong sasep tepok süngaa, küm nungi küm renteta chiyunga-jema lia aru. Tanü putu nung asen Aor balaka yimtsüng nung alirtem aikati alu mayimer, oda jila nung alir tular-takar kar dak nendaker kibong mesua alirtem aika lir. Aji oda, alu ayimtsü atema ali arem peria yur, alu meranga züsener chiyunga-jema alitsü melena, azümesena tangar dak dang metaloker küm kwika chiyunga-jema litettsü...??? Ano jila nung alirtema teimba ka tebu o tetsü na kisüngai inyakra agi kibong mesur, aser chirnur ajunga 'Fees' tasak aguja school/college züngdaktsür aser duitio fees tasak aguja duitio agidaktsür. Tular-takar aser tilar-sensaker ajaki pei akokba tashi yari chirnur nem shisaliok jenjang tajung tonga züngdaktsütsü meranger, aser idangji tular-takar atemabo balaka timtem mali, saka tilar-sensaker atemabo kibong aika senotsü lenmang nung kanga timatemer. Aji oda, itasen chia alirtema tilartem '3rd grade & 4th grade Staff' balaka, itasen anguba nungi chirnurtem school/college fees aser duitio fees agutsüba nung teimba ka endoker. Ajiser tera anungba nungjagi yimden, arogo, lokti-tentet balala saru-saji/tenla-tenji agutsür, ano tasü-tama aser sadi-mendi yamala nung agutsürbo, pei kibong nungdak aser chia-ajemtsü atemabo manunger...ta timtem aika lir. Tanü putu nung tetsütem Post Graduate/Gratuante' azünger aika lir, anungji senotsü kümzüktsü atema akokba tashi pei jala-jabaso 'Duitio Fees' tasak aguja tangar nem duitio magidaktsüi tetsütem tazüngertem-ibo pei sasa sayutsüla, oda Primary School & Middle School level tashi danga tetsütemi sayutetra ibajagia senotsü aika kümzüktsütsü.

(Maneni asüng adok nung...)

### NAGALAND KHRISTA ASOSHI VS INDIA HINDU ASOSHI, KHRISTAN YIMSÜ ASER RELIGIO-POLITICAL TAYONGZÜKBA

- K.Temjen Jamir, Yimozülur, Tir Yimyim.

(Yashi adok nung...)

Asenoki Hindu Mahasabha nungi tenzüker tanü RSS aser BJP teloktemi India ajunga Hindu lima kümdaktsür yimsü asütsü merangba angur. Iba nükjidong ataloktsü asoshi parnoki joko Hindu nunger temeshi kaket aser tar nunger otsü ajak kaketreju nung züngdaktsütsü meranger aser Khristan-tem tsübudakja amokmerener. Ibai Khristan-tem asoshi tamang o mapa na tendangba tayongzükba mapa tuluka asütsü.

Yisui nisungtemi mezüngshiba purtem dang bushia ao masü saka pai Roman yimli nung tular aser takartem kidangia oa Tsüngrem yimli osang tajung indang ashitsü atema chiyongtsü sentong dena renemba asenoki Lashiba nung shia angur. Tanü India nung asenok Khristan-temi osang tajung agi matongba tesemji tilar aser sensakertem alidak masü saka takar, tular aser yimsüsürtem aliba tesemtemjilir. Iba tesemji RSS, VHP aser BJP lenirtem amongdak parnok tesep lir. Parnokji osang tajung agi atongtsüla. Atangji, parnok dang Yisu temeim osang tajung ashitsübaji asenok BJP telok nung adenba agi makoktsü, kechiyong BJP telok nükjidongjibo Ram mandir aser Hindutva lir. Ajisüaka, asenoki parnok tamangba yimsü masü saka sobaliba aser loktiliba yimya agizükteta külem senso aser külem nübor ama kümer, külemi chiyonga jema litetra, ibajiang osangtajung ashitsü lenmang lapoker asütsü.

Atangji, asenok Khristan-temi senso ka ama yimten nung shilem agitsüba aser Yisu nütsüng kümer Pa temeim indang kuli asütsüba mapa ana ya bendangtettsüla. Linük nung yimten telok kati danga nübortem pei amangnütsü mamangdaktsütsüsa inyakra senso ka ama ibaji anema ola adoktsü tim aser item dangji Yisu temeim osang tajung indang ashitsübaji Yisu dak amanger tamangertem mapa asütsüla.

Aji oda, yimten tashi amshia nübortem nem yimsü amangdaktsütsü merangba telok ya asenoki menokdangtetra, asüngbo aiür asangurtema Yisu Khrista tenüng tetshia kibonga mekümtetsüa akok, kechiyong linük nung tamangba yimsü ka kübok sobaliba temzüng ozünga ka dang asütsübaji BJP telok tangatetba, tejangraba aser temulungtetba lir.

Atangji, Nagaland Khrista Asoshi ta sangoktsüba lima ya India Hindu asoshi ta lemtetba telok nem menempokdaktsüi, asenok dak aliba Khrista tesangwa jagiang India lima dena sangwatsüsa asenok dak ochiagi yimten nung shilem agiba tangatetba aser Tsüngrem temeim indang tangar dang tonga oagi kulisünüba tejangraba tanüla alitsüla. Ibajagi dang Naga lima dang masü alima ajunga Khrista lima akümtsü.

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

# ABAM Lim Arogotem nungi Sannükertem angazükshiba sentong agi



**Impur, Aenjeti/January 30 (TYO):** ABAM aser International Ministry partnership nung ABAM Lim Arogotem nung Sannükertem "Angazükshiba" (re-learning) sentong ka North East Diocese, Joupur Kharghuli, Guwahati nung January 25-27, 2023 anogotem nung kanga temoatsü ngua agiogo, ta

ABAM Executive Secretary, Rev. Dr. Mar Pongener-i sangdong ka ajanga metetdaksü. Iba sentong nung tongti O jembirtemji India aser International nungi nungtugu lenirtem liasü. Iba sentong nung tang Sannükertemi nungdakba onük balala bener arua tesayuba tajung den tanela

nung ajungmesoba O aika anganüa ajak kanga temoatsü nguogo. Iba sentong nung shilem agir ajak agi 141 liasü. Maneni amangbapur ajaki asen Arogotem nung Toklanga tenzükertem aser Sannükertem asoshi temoatsü aser anema aliba moajang ta sarasademsü ayongzüker.

# Yaküm Arogo 1,800 dak temai United Methodist Church toktsüogo

**January 30, 2023:** Kasa tetsür o tetsür na mesüra tebur o tebur na shi nung medemba onük dak sendakba nung tangatetba balala nung ajemdaker yaküm Arogo 1,800 dak temai United Methodist Church toktsüogo, ta osang ka ajanga metetdaksü.

Conference tokja liasü. Iba dak alia yaküm Arogo 198-i North Alabama conference toktsü, Arogo 145-i Northwest Texas conference toktsü, Arogo 105-i Indiana conference toktsü, Arogo 81-i Central Texas conference aser Arogo 80-i West Ohio conference toktsüogo.

Arkansas nung aliba First United Methodist Church-i parnokki UMC toktsütsü benokba magizükba sülen Arogoi Arkansas Conference anema ken o benoka liasü aser pastor-a anentsü.

Yaküm Arogo 1,825-i UMC toktsütsü atema lemtetba peipei conference-i agizüka liasü.

Tesüiba küm ishika UMC-i official süa "Kasa tetsür o tetsür na mesüra tebur o tebur na shi nung medemba ya Khristan tesayuba den meputep' ta sangdongba onük nung o toktepba arudar; iba nungji kasa tetsür o tetsür na mesüra tebur o tebur na kibong kümer alirtem Arogoi moatsütsü nokdangba densema lir.

Yaküm July ita nunga Arogo 100 dak temai UMC Florida Annual Conference anema ken o benok, kechiyong Conference-i item Arogotem dang Arogo meyong kiojen aser osettsüset atema Arogoi Conference nem sen agütsütsüla, ta tuyua liasü.

2019 küm nungi züngdangra United States nung Protestant denomination toktsüba Arogo ajak senteperbo 2,003 jungogo.

Ano Arogo karibo UMC toktsütsü atema benok yonga regional confrence-i magizük.

Lawtey Grace United Methodist Church-i, kiojen aser osettsüset atema Arogoi conference nem sen agütsütsü menüngdak, kechiyong Arogo kiojen aser osettsüsetji UMC metetdangyongi Arogobo tenteter liasü, ta metetdaksü.

U.S. annual conference reports aser special annual conference 17 nungi reports bendena iba report ya renema liasü.

2022 küm special sessions mapang nung Arogo 294-i Texas Conference toktsü aser Arogo 249-i North Carolina

Yaküm December ita nung

United Methodist Church ya 1968 küm tenteta liasü.

# Chhattisgarh nung Tenla ki amakba ken o nung nisung ter puogo

**January 30, 2023:** Chhattisgarh state nung Sacred Heart Arogo Tenla ki amakba aser Khristantem anema inyakba ken o dak sendakba nung police-i nisung ter puogo aser Tenla ki den temeket nung aliba Arogo kiojentem nem security agütsüogo.

Arogo meyong institutions amakba aser Khristantem anema inyakba dak sendakba nung onoki ken o pezü benokogo aser nisung ter puogo," ta police ketdangserisa metetdaksü.

police-i Arogo lenirtem dang school tanaben lapoktsü mepishio.

Superintendent of Police, Sadanand Kumar-i, "Onoki Tenla ki nem aser Tenla ki temeket nung aliba school nem police security agütsüogo," ta metetdaksü.

January 2, 2023 nü yimdaklir noklang aikati süng aser insang amer Sacred Heart Arogo Tenla ki telungi aitba aser Arogoi ketdangsuba Vishwadeep high school campus telungi aitba mapang nung tesayurtem densema kaketshir 1,000 shi liasü. Iba mapang nungjagi tenzüka school melapoker, ajisüiaka

Jagdarpur nung Arogo lenirtem ashiba agi, Tenla kidang nungi sen aika auyaba den külemi Tenla ki aser school raksatsüba ajanga sen million 2 dak tema takoksa nguogo.

"Sacred Heart Arogo Tenla ki aser Tenla ki temeket nung

school melapoker, ajisüiaka

Khristantemi tangartem tamangba yimsü meyipdaksür, ta tai tonglokja Khristantem anema inyakba ya tim masü, ta Jesuit putir, A Santhanam-i aitsüogo.

Khristan putir, Santhanam ya Tamil Nadu High Court nung attorney inyaker.

# ANO GO ABEN TSÜNGREM DEN

## Teti dena aliba

"Ajiang, Ni teti nenok den dena lir." Matt. 28:20

Asen Kibuba asenok den dena aliba meteta aliba aser memeteti aliba tepila ka koda adokdaksür! Yakobi Kibuba dena aliba metetba nung Pa taküm nung temelenshiba koda ka adok! Kodang Isak süki toktsü pai pa tebu Tsüngrem toktsüogo ta bilem. Pai ayimtenbaji tesüngmangtsü rong nung ka liasü, "Atangji Kibuba iba meta nung lir, aser aji ni memetet." Pai anepdang Tejen Lai mezüng kaket pungu nungi tekong kar ta zünger ali asübo, mesüra T.Ken 139 nungi tekong kar ta zünger ali asübo, pa leman nung kecha shisabulu mesüi lila! Tesülen ango tulu pokia pa Kibuba nungi piladaksütsü makok ta pai bushiteta Tsüngrem tenüng sanga liasü! Paul o bendanger matsüngdang noktadng Kibuba pa den dena aliba meteta anisüngzüka liasü!- "Ni mezüng kü temeten ashidang kü den noktaker nisung shinga mali asü, ajak ni toktsü: iba taiji parnok nem magütsütsü: ni Tsüngrem dang sarasadem. Aji saka Kibuba den noktaker aser Pai ni tashi itdaksü."

Tanga lokti nung atangji Kibuba atenba koda liasü. Kibuba atenba ajak den adener. Pai kar nem dang maongka agüja Pa matener. Ajemalurtemi teti Pa atenba metetta alir.

17th Century surochioker, Lawrence-i Kibuba adenba kuli yamai agütsü: "Ni asoshi mapa inyakba mapang aser sarasademba mapang tepila mali: chipo-aunpo shidokba ola, aser kasa mapang nung kari nungdak balaka asoshi ajadang ni apudaka sarasademer ama ajak nung Tsüngremi ni süneptsür ama agir. Ni mapa inyakba mapang ajak ola madoki kü nüla Kibuba den sensaksema alir, koba agi teti kü mulung nung tepela adokdaksür. Kibuba den teti sensaksema aliba nung tamang aser tepela aliba tetka alima nung tanga tepela mali. Saka tepela tanang angutsü nükjidong ya inyaktsü ni majungshir; saka asenoki ibai temeim ozüng agi, aser Tsüngremi asenok agizüktsü ta inyakdi!"

O Tamangertem, temeimba Tebui Kalvary nung mejembitetba senti talangzükba mapa, aser tanela Temeshi tamanger dak aliba ajanga Pa tsüngdang temeshi kümdaktsüba iba ochi mapa bilemdangang, iba ochi Tsüngremi asenok anogo shia Pa den telungjem nung sotta ayur. Asenoki anogo shia sarasadem aser lai bushiba mapang agir, aser asen temulungjang tamajung bilemba ajak indoker, aser mulungjang ajak agi Tsüngrem meimtsü mulungtetra, asenoki Tsüngrem den telungjem akaba angateta akümtsü, aser mejembitetba tepela agi pelaa alitsü.

# 2020 küm May ita nungi tenzüka US nung Catholic Arogo 270 amak

**January 30, 2023:** Tesüiba aser Tenla ki kichiba küm asem tsüngda US nung Catholic Arogo 300 jungnüa amak; iba nungji 2020 May ita nungi tenzüka US nung Catholic Arogo 278 amakba densema lir, ta

raksatsüba densema lir.

US kübok state 42 nung Catholic Arogotem amak, aser item ama tatalokba teimtibaji California (tatalokba 42) nung liasü, iba sülen New York (28) aser Pennsylvania (19) lir.

CatholicVote (CV) report ajanga metetdaksü.

CV-isa, item ama tatalokba aika liaka tatalokba shilem 25 dak sendakba nung ang aibelenertem pua liasü, ta metetdaksü.

Catholic advocacy group-CV-i ashiba agi, 2020 küm May ita nung temesüng nisung-police officer kati tanak nisung, George Floyd tepsetba sülen nungi America dang masü alima tesem ajaklen nüburtemi iba tatalokba aija liasü; iba mapang nungjagi tenzüka America nung Catholic Arogotem amakba kanga bulua kümogo.

2021 küm December ita nung CV teloki shidi ka ajanga Department of Justice (DOJ) aser Attorney General, Merrick Garland dang item tatalokba atema bushisüngdang tenzükang, ta mepishia liasü.

Arogotem amakba Iba shidiji langzüa rongnung Tenla ki rongdoktsüba, Tenla kidang kürakyanglutem raksatsüba, Arogo kiojentem nung satan temaitsü noksa yanglusatsüba

Department of Justice (DOJ)-i tekülem kitem ajak kümzüka ayutsü atema anogo 15 tashi review agia teinyaktsü tim inyakogo.

**AO OSHI ANGAZÜKDAK:  
TANÜ ANGAZÜKTSÜBA OJANG**



**Osak**

(n) süngo agi sü aremba süngdong (indigo plant)

\* Akhoya lushu nung osak kanga junga meyrir.

**Osang**

(n) o sangoktsüba ( news)

\* Tanübo osang tajung aika angashir.

**OLONG PAITEP # 6414**

1		2				3		4		5
				6						
	7		8							
9						10			11	12
			13			14	15			
16						17			18	
				19		20				
21		22								23
24										

**TIPIEN**

- 1. Saku - (4)
- 6. Songjen - (7)
- 7. Mali/Tazung - (4)
- 9. Tasen apok - (6)
- 11. Songtem - (3)
- 13. Ata Ilasü - (5)
- 16. Tzünglu den külemi tsüker - (3)
- 17. Aso tila - (6)
- 20. Tashi maküm - (4)
- 24. Tenüng kasa jatepba - (7)
- 25. Ki yangluba oset - (4)

**LANGTSÜNGLEN**

- 1. Taksep - (3)
- 2. Langtem - (5)
- 3. O tamendaktak - (4)
- 4. Nütsü tebuba - (3)
- 5. Anüngdang tesangwa - (3)
- 6. Apitet - (5)
- 7. Yagi jungdaksür - (4)
- 8. Anogo semer ka - (3)
- 10. \_ \_ \_ tatsü - (3)
- 12. Tebur kidong aser zünga kasa tsüngda jatepba - (4)
- 14. Pela agizükba tapu ka - (5)
- 15. Tenüng atet - (3)
- 18. Mejanga onü - (5)
- 19. Talak techira - (4)
- 21. Maneni - (3)
- 22. Nübo teyi - (3)
- 23. Meshi - (3)

**OLONG PAITEP # 6413 TELANGZÜBA**

**TIPIEN :**

- 1. Yiar, 3. Tesola, 7. Yimra,
- 8. Tangar, 9. Peria, 10. Tanur,
- 11. Tasen, 13. Lemjem,
- 15. Tambu, 16. Khuret,
- 17. Sang.

**LANGTSÜNGLEN :**

- 1. Yimti, 2. Amen, 4. Shiner,
- 5. Alaka, 6. Satan, 9. Putet,
- 10. Tembar, 11. Tatok,
- 12. Amang, 14. Jala.



**ALOKBA O SOBANGBA NA :**

*Sobangba künü azü tulu ka anir yimtung nung  
Alokbai ajurur.*

**Alokba** : Temba, nür züi nisungdak angor mangor?

**Sobangba** : Ozü züibo khenyongi mangor ako. (Alokbai azüji mesüshia mimshitsü nung kanga mejungi ango)

**Alokba** : Aree Temba, naibo nür züi mangor ahabato koda?

**Sobangba** : Aito, ozü züibo kodanga mangor nung koda, ya küla ozü kidangsür zü kü den anidaka aruba maha?

Lilir : WhatsApp

Tanur asoba anogo nung salem osang den noksa angati adokdaksünüra - Tenüng, Küm, School, Talidak & salem osang tejangja zülur, noksa (photograph - any size) ka den anogo 3 mesüra 4 jelia e-mail : tiryimiyim@gmail.com nung yokang mesüra Tir Yimyim bureau tem nung agüjang.

**Assam nung tanur 19 Ahmedabad nung heart surgery atema ogo**

Guwahati, January 29, 2023

(Agencies): Assam nung paediatric cardiac agi shiranger tanur 19 tashi Ahmedabad-i anir ogo.

Assam sorkar ketdangsürtemi meina parnok Sri Satya Sai Heart Hospital nung anepalutsü.

Assam sorkar den tenangzüktep yangluba kübok temulungjang nung timtem aliba tanur 500 nem angati aneplautsü.

GMC Gauhati nung temulung nung timtem aliba tanur 19 den ajurutepogo. GoA aser Sri Sathya Sai Heart Hospital, Ahmedabad tsüngda MoU agiba ama parnok Ahmedabad nung anepalutsü" ta Assam health minister Keshab Mahanta-i metetdaksü.

Sri Sathya Sai Heart Hospital ya Rajkot nung amenoka aliba Prashanti Medical Services & Research Foundation ajanga lapokba lir. Parnok ya charitable organization ka lir aser tesüba küm 21 tashi parnoki sensaker aser nüngdabapur yaria arur.

Prashanti Medical Services & Research Foundation ajanga sen aika endoka cardiac surgeries angati dang agütsür.

India nung paediatric charitable cardiac hospital ya Ahmedabad

nung lir aser iba class 100 operation theatres 4, Cath Labs 2, OT Wards Pre & Post, ICU, ICCU, Multipurpose prayer hall, temple, OPD, Doctors & Paramedical staff indang presidential quarters, dining hall, stores, utilityrooms, X-Ray/Lab/ECG aser tanga medical equipment lir. Iba mozü kidang küm nung cardiac procedures 5,000 shi agir.

November 2018 nung Prashanti Medical Services & Research Foundation tenzükba sülen cardiac procedures 1,700 tema agiogo.

Assam sorkari Prashanti Medical Services & Research Foundation den tesentaktep yanglutsüba ya Gauhati High Court nung retired chief Justice Rashmin Manharbhai Chhaya ajanga apitetba lir.

January 7 nü Health & Family Welfare Department of Assam aser Prashanti Medical Services & Research Foundation tsüngda MoU nung sign sütep.

"Surgery indang senotsü ajunga charitable trust ajanga agütsütsü aser state sorkari senzüsen bongba den tanga senotsü teyari agütsütsü" ta Minister Mahanta-i ashi.

2009 nungi Narayana Hrudalaya den tenangzüktep ka agiba ajanga Guwahati nung local hospitals nung temulungjang nung timtem alir 9,700 tema angati yariogo.

Honibarnü Mahanta-i Gauhati Medical College and Hospital indang Cardiological and Neuroscience (CN) Centre nung tanurtem aser tsüraburtem den ajurutepa sensaksema liasü.

Sri Satya Sai Hospital, Ahmedabad nungi doctor telok kati January 21 nü tanurtem indang screening camp ka agi. Iba sentongji State health minister Mahanta aser Gauhati High Court acting Chief Justice S Koteswar Singh nati lapokja liasü.

Iba sentong nung Principal secretary Abinash Joshi, Satya Sai Heart Hospital managing trustee Manoj Bhimani, NHM executive director Manoj Choudhury, GMC principal Dr Achuyt Baishya aser professor of cardiology, GMC, Dr Pranab Bhattacharyya nungertem aden.

Sri Satya Sai Hospital nungi doctor temji Dr Harish Patel, Dr TN Raman, Dr Niroz Agrawat, Dr Pavan Patel, Dr Barun Tiwari aser Dr Bhabesh Ojha nungertem liasü.

**Tripura Election atema candidate 305-i tenüng agütsüogo**

Agartala, January 30, 2023

(Agencies): Tripura Legislative Assembly Election atema candidate 305-i tenüng agütsüogo.

Nomination asüba anogo tatembangba nung candidate 228-i nomination papers agüja liasü.

"CEO indang office ajanga political party temi nomination papers agütsüba maparen ajak renemogo" ta Tripura Chief Electoral Officer (CEO) Kiran Gitte-i ashi.

"Tanü nomination papers agütsüba anogo tatembangba liasü. Ajisüaka tangbo candidate kati

danga nomination papers agütsüba nung timtem majuru. Tanü onoki nomination papers 228 nguogo aser January 27 tashi 77 arur liasü, anungji ajak meyokteper candidate ajak agi 305 lir" ta Gitte-isa ashi.

2018 assembly election nung candidate ajak agi 297 liasü.

District 8 prongla nung District Magistrate aser Superintendent of Police ajanga law & order ken o ka danga mebenok liasü, ta Gitte-isa metetdaksü.

"Candidate temi nomination papers agütsüdang ozüng alema inyaksangshiba mesüra

amokmerenba osang kecha maliasü" ta paisa ashi.

Nomination agütsüba sülen Election Commission-i candidate ajak nem security agütsütsü, ta paisa shisem.

Asüng tashi nung nomination papers reprangtsü aser February 2 tashi nung candidate temi tenüng meyipa agütsü akok, ta Gitte-isa ashi.

"Yashi tashi general observers 25 den police observers 8 aruogo aser parnok pei pei telongtet nung mapa lemzüksüogo. Yashi Meghalaya nungia Special observer ka aruogo" ta paisa metetdaksü.

**UNIVERSITY**  
GOVERNMENT OF NAGALAND

**SOCRAN FOCUS**  
NAGALAND

**JIFAD**  
Investing in rural people

**Innovating Agriculture**

Got an idea to revolutionise the agricultural landscape?  
Get ₹30 lakhs\* for your mission!

It doesn't matter if you're a farmer, an aspiring entrepreneur, or even a private, social organisation.

If you have the idea and the drive to change the agricultural landscape through an innovative approach, pitch it to us.  
Best idea could get up to ₹30 lakhs\* to kickstart your mission!

**Hurry Submit your Idea by: 14<sup>th</sup> Feb\*, 2023**

Know more at:  
[www.focus.nagaland.gov.in](http://www.focus.nagaland.gov.in)

Contact us at:  
[SPDIFFocus@gmail.com](mailto:SPDIFFocus@gmail.com)

\*The proposed project cost range from INR 2 to 20 lakhs and the maximum grant component will be INR 2 lakhs. i.e. the project will fund 70% of the proposed business. The remaining must be borne by the beneficiaries.  
\*The grant will be 10% of the proposed cost and will be released after 30 days from the date of advertisement. i.e. 30<sup>th</sup> of Feb, 2023

# Peshawar kübok mosque ka nung bomb pokdaksü; nisung 28 asü

Islamabad, Aenjeti/January 30

(Agencies): Pakistan kübok Peshawar yimti nung mosque ka nung bomb pokdaksüba lendong nung nisung 28 asü aser nisung 150 dak tema yiruogo, ta ketdangsürtemi metetdaksü.

Peshawar police ketdangsür kati ashiba agi, iba lendong nung nisung 28 süogo aser pei temang nung bomb alenoker pokdaksürtemi iba lendong agütsü asütsü ta temolung melemi bilemer.

Yimti kübok iba mosque nung nübürtem aika sarasademtsü atema adenshia aliba mapang iba bomb pokdakja liasü, ta police ketdangsüre Sikandar Khan-i Hombarnü Reuters news agency dang ashi.

"Iba ki shilem ka chirep aser nübürtem aika ki chireper aliba telung nung sabanga alitsü ta amanger," ta Khan-isa ashi.

Peshawar indang police tekolakba, Muhammad Ijaz Khan-i television sangdong ka nung ashiba agi, iba mosque takdang tongtiba nung nisung 300 shi asemer aser bomb apokba mapang nung iba takdang ya süngnüa nübürtem adenshir liasü.

"Iba bomb ya pei temang nung bomb alenoker pokdaksürtemi pokdaksü asü masü aji tang tashi nungbo mejangja, saka onoki bushisüngdang tali asütsü nüngdaker," ta pai ashi. "Ajisüaka iba bomb ya pei temang nung bomb alenoker pokdaksürtem mapasa asütsü ta bilemer."

Islamabad nungi Al Jazeera osangbener Kamal Hyder-i ashiba agi, ken o bushisüngdangba sülen Iba mosque ya pei temang nung bomb alenoker pokdaksür ka mapa asütsü ta jangja kümder.

"Bomb pokdaksüsang ya mosque telung nung sarasademba mapang tejaklen mezüngbuba row nung mener liasü," ta pai shisem.

Ato Kilonser Shehbaz Sharif-i iba mosque amakba ya khukhua aitsüogo aser ketdangsürtem dang lendong nung yirur alirtem temang tajungtiba nung anepalutsütsü tetuyuba agütsüogo. Paisa, iba mosque amakertem anema jenjang tapet agi tenangzükba agütsüogo.

Taoba Pakistan Ato Kilonser Imran Khan-ia twitter ajanga iba tatalokba aitsüogo.

Peshawar ya Afghanistan den arrtsü nung aliba Khyber Pakhtunkhwa province yimtiba lir aser iba tesem ya mapangshia maka arudar.

Taoba küm March ita pei temang nung bomb alenoker pokdaksür kati Peshwar nung mosque ka amak aser nisung 64 tashi tepseta liasü, koba 2018 küm sülen lendong tamajungtiba liasü.

## MEYIPTSÜR

Aenjeti (January) 28, 2023 anogo koba Yaongyimsen Dimapur Unit aser Yaongyimsen Chumoukedima Unit tenüng nungi kari Shri Imnatiba toktsür Shri Nuklutoshi den adener ta sangdongogo ibaji yamai meyiptsür:

Shri Imnatiba meyaritsü lemteter rongnung Yaongyimsen Dimapur Unit nungi 47 (lir tenet) aser Yaongyimsen Chumoukedima Unit nungi 42 (lir ana), parnok ya 2018 küm Nuklutoshi yarirtem lir anungji item nisungtem jagi kodanga Shri Imnatiba, NDPP yaria maru. Meyiper Ruling Government temoatsü ang agia parnok küm pungu lia aruogo. Anungji tang election atongtsü mapang kodanga yaria marudangba tetemjen lenir ka meyaritsü ta sangdongbaji khenyongi tagidak makaba o lir aser khukhua aitsür.

Arkakong Constituency nungi candidate Shri Imnatiba nongita yaritsü NDPP Yaongyimsen Dimapur Unit aser Yaongyimsen Chumoukedima Unit akangkanga dang lir.

T s ü n g l a n g l e n tenüng adoka alir rongnung tick mark agüja alirtem (Yaongyimsen Dimapur Unit-Sl. No. 1, 2, 3, 8, 19, 20, 26, 29, 30, 31, 33, 35, 37, 38, 47, 48, 49, 54, 59 aser Yaongyimsen Chumoukedima Unit- Sl. No. 1, 3, 4, 10, 14, 28, 29, 33) ya dang NDPP züngsem liasü:

Yaongyimsen Nukshiyim who had support new king...  
Shri Imnatiba in the 2018 State Legislative Elections. Going forward they are pledging their allegiance in support of Shri Nuklutoshi for the upcoming 2023 State Legislative Elections under the 2nd Arkakong Constituency, Mokokchung District.

**YAONGYIMSEN DIMAPUR UNIT**

1. Imnameren	34. Benjongtoshi
2. Bendangwapang	35. Imolemsü
3. Imotemyen Jamir	36. Takosunep
4. Imtisosang Imsong	37. Rongsenli
5. Sowa Imsong	38. Nukshiemla
6. T. Asangla Jamir	39. J. Mar Lkr.
7. M. Akaba Imsong	40. Limatula
8. Chubatemsü	41. Alialemzung
9. Tiakumla	42. Mopulemia
10. Süngiemla Imsong	43. Imtiliemba
11. Temsunungla	44. Putsenia
12. I. Temjen Imsong	45. Yangertemjen
13. S. Apokla Lkr.	46. Lalenmongla
14. Anungla Imsong	47. Temsurenla
15. C. Meren Jamir	48. Imtikömzü
16. I. Akum Jamir	49. Takomongba
17. S. Akala Jamir	50. Imkongakum
18. Rongsen Lkr.	51. Imliyvet
19. Tiatula Imsong	52. Imtiwapang
20. Tia Chitten	53. Tiapokla
21. Purenla	54. Sowaemla
22. Toshi Lemdur	55. Putunungla
23. Tali	56. Longertemjen
24. Toshisangla	57. Imusenla
25. Imtilia Imsong	58. Bendangmeren
26. Takasangla	59. Alila
27. Akumenla	60. Ayangla
28. Sentinara	61. Martemjen
29. Noksangzungba	62. L. Wapang Imsong
30. Moala Noksang	63. Sentila
31. Limasungkum	64. Amenla
32. Tanget Lkr.	65. Lima Imsong
33. A. Ayula	66. Atila

**YAONGYIMSEN CHUMOUKEDIMA UNIT**

1. Imnutoshi	26. Arenla
2. Tiakumzuk	27. Anungla
3. Imtiyanger	28. Nungsang
4. Malem	29. Asangla
5. Asangla	30. Amongla
6. Atula	31. Narola
7. Temjenla	32. Limala
8. Moala	33. Temsutula
9. Lipokungla	34. Tialamla
10. Moasangla	35. Toshienla
11. Toshi	36. Chuba
12. Sentila	37. Bendangla
13. Tia	38. Asemla
14. Arenbenla	39. Imsongienla
15. Lanusenla	40. Wapang
16. Bendangnara	41. Watiba
17. Takonungsang	42. Talsunep
18. Rebala	43. Marba
19. Akangmar	44. Yangar
20. Merensienla	45. Molongnenla
21. Alila	46. Bendang
22. Mapula	47. Imli
23. Moameren	48. Temjen
24. Sunep	49. Sanem
25. Molungba	50. Lamu

## SANGDONGER

Aruya aliba 14 Buba Nagaland Legislative Assembly election 2023 nung 22 Arkakong Constituency nungi Shri Nuklutoshi yaritsü tebilemba liasü saka pa dak nübür lenitsü nükla tajung mangu nung tang tementak Arkakong MLA Shri Imnatiba tashi ajak agi nongita yaritsü lemtetba sangdonger.

### BJP Liroyim Unit

1. President: Mr. Sentinungsang
2. Asst. General Secretary: Mr. Imnameren
3. Treasurer: Mr. Meyitizung
4. General Secretary: Tiakümzü (Youth Wing)
5. Vice President: Sentichuba (Youth Wing)

- |                   |                |
|-------------------|----------------|
| 6. Mr. Lanuyanger | 21. Moasunep   |
| 7. Mr. Tzütilepzü | 22. Sanglipong |
| 8. Temjen Jamir   |                |

### NUKSHIYIM

- |                 |                 |
|-----------------|-----------------|
| 9. Temenok      | 1. Takosunep    |
| 10. Loapong     | 2. Imlinungsang |
| 11. Akum        | 3. Sentimongba  |
| 12. Limaienla   | 4. Talikaba     |
| 13. Toshilila   | 5. Temsuyanger  |
| 14. Imnajungshi | 6. Lipokmeren   |
| 15. Molungnenla | 7. Imnalemba    |
| 16. R. Alila    | 8. Tsuknungla   |
| 17. Rongsenla   | 9. Anungla      |
| 18. Noklenkümba |                 |
| 19. Purtila     |                 |
| 20. Akala       |                 |

  
**Sentinungsang**

**President**  
BJP Liruyim Unit, 22 Arkakong A/C

## MULUNGNEN O

### Asür Arennungsang Jamir (Mopungchuket)



**Aso:**  
08.10.1946

**Asü:**  
21.01.2023

Asür Arennungsang Jamir, akümüli wadang ajungbena tembanga aruba mapang, temeimertem shirnokisa lenla balala ajak nung ozü kinungertem den tamang sarasademi anir nübu, rongsen aser shisatsü agi nungita yaritepogo ajak dang kangasa pelaba lemsateper. Nenok mapatem ajak asoshi Tebu Tsüngremi maneni mojangma. Na onok mulungjang nung teti alitsü.

**Temeim Kinungtsü, Chirnur,**  
**Semchirtem aser Kinungertem.**

## SANGDONGER



Ex. Minister Nuklutoshi lenisüba kübok tamang mekateti aser nübür lenitsü nükla tajung mangu nung, BJP 22 A/C Arkakong Mandal nungi onok tenüng agüja aliba züngsemtem den ano külem züngsem 46 BJP nungi anener aser Nationalist Democratic Progressive Party (NDPP) nung merataket lenir Hon'ble Chief Minister, Mr. Neiphiu Rio aser President Mr. Chingwang Konyak lenisüba kübok adener. Tang tementak Mr. Imnatiba, NDPP MLA aser Hon'ble Advisor Industries & Commerce, Labour & Employment, Skill Development & Entrepreneurship, ajanga küm pungu tsüngda Arkakong constituency nung terenlok bener aruba aser constituency sanger ajungkettsü merangba mapa tajung ngua temulung achir aser taruba 14 Buba Nagaland Legislative Assembly election nung 22 A/C Arkakong nungi onok tashi ajak agi Mr. Imnatiba nongita yaritsü lemtetba sangdonger.

SL.NO	NAME	DESIGNATION
1	I. LIMATEMJEN	VICE PRESIDENT S.T MORCHA, NAGALAND
2	BENDANGWAPANG	EXECUTIVE MEMBER DISTRICT S.T MORCHA
3	S.MAONG LONGKUMER	PRESIDENT 22 A/C MANDAL
4	SATEMYANGER	GENERAL SECRETARY 22 A/C MANDAL
5	SAKOLEMBA	VICE PRESIDENT 22 A/C MANDAL
6	L. MAR IMSONG	MANDAL EXECUTIVE 22 A/C MANDAL
7	AOSUNGKUM	MANDAL EXECUTIVE 22 A/C MANDAL
8	TIASENLA	VICE PRESIDENT MAHILA MORCHA 22 A/C MANDAL
9	S. AMENLA	EXECUTIVE MEMBER DISTRICT MAHILA
10	CHUBA LONGKUMER	EXECUTIVE MEMBER DISTRICT S.T MORCHA
11	TEMSURENBA	VICE PRESIDENT KISAN MORCHA 22 A/C MANDAL
12	TINUMEREN	EXECUTIVE MEMBER 22 A/C MANDAL



Office of the  
**Nationalist Democratic Progressive Party (NDPP)**  
26 Aonglenden A/C Dilong Unit

### SANGDONGER

Saturday 28/01/23 anogo Tir Yimyim (Adok 106) nung NDPP Dilong Unit Mokokchung nungi lanurtem NDPP Active aser Primary membership nungi anener ta shia alibaji onok anai meyipa agir.

**Sd/-**  
**Nangshikaba, V.P**

**Sd/-**  
**Nokranginsa, Executive**

## WTA Rankings: Aryna Sabalenka World Number 2 kumogo



Aryna Sabalenka

**Aenjeti/January 30, 2023**

**(Agencies):** Australian Open tetsür kija asaya akokba sülen Aryna Sabalenka Hombarnü sayaba WTA Rankings nung tanabuba jenjangi tuogo, koba la indang career nung tang tashi nung ranking jenjang tajungtiba lir.

Kasa mapang nung Australian runner-up Kazakhstan tsür Elena Rybakina-a tang mezüngbuba top-10-i iogo.

Honibarnü Australia Open tetsür kija final asaya nung Sabalenka-i set ka mekoki aliba nungi meyipa arur 4-6, 6-3, 6-4 agi Rybakina madak takok ngua

mezüngbuba Grand Slam koktetogo. Iba takok anguba sülen la jenjang asem tejkadangi tua tang tanabuba nung lir. Lai tang tashi nung ranking point 6100 nguteta lir.

Australia Open nung World No.1 Iga Swiatek, Jelena Ostapenko, aser Victoria Azarenka nunger koka Grand Slam tanabuba final tonga asayaba sülen reigning Wimbledon champion Rybakina jenjang 15 tejkadangi tua tang terbuba tongtetogo.

Tetsür asyartem rongnungi Poland tsür Swiatek-i ranking point 10485 nguteta maneni temaba jenjang nung lir aser la

tanabuba jenjang nung alila Sabalenka dang nungi ranking point 4385 agi timba lir.

Latvia tsür Ostapenko-a Australia Open nung quarterfinal tonga asayaba sülen jenjang pongu tejkadangi tua tang 12buba nung lir aser Azarenka jenjang ti tejkadangi tua top 20-i iogo.

Ranking nung tejkadangi atuba asayatem rongnung Dona Vekic-a ka lir shiba 33buba nung lir aser Linda Fruhvirtova-a jenjang 31 tejkadangi tua tang 51buba nung lir.

Tetsür asyartem ronungsa Naomi Osaka jenjang 65bubai luogo aser taoba kum Australia Open finalist Danielle Collins jenjang 29 asepzüka lua tang 40buba nung lir.

1. Iga Swiatek
2. Aryna Sabalenka
3. Ons Jabeur
4. Jessica Pegula
5. Caroline Garcia
6. Coco Gauff
7. Maria Sakkari
8. Daria Kasatkina
9. Belinda Bencic
10. Elena Rybakina
11. Veronika Kudermetova
12. Jelena Ostapenko
13. Petra Kvitova
14. Beatriz Haddad Maia
15. Simona Halep
16. Victoria Azarenka
17. Ekaterina Alexandrova
18. Anett Kontaveit
19. Liudmila Samsonova
20. Karolina Pliskova.

## Murali Vijay international cricket asaya nungi anener

**New Delhi, Aenjeti/January 30 (Agencies):**

India nunger asayar tejen Murali Vijay-i pa international cricket asaya nungi anenba Hombarnü sangdongogo. Chennai nungi arishi kum 38 tain asayar ya tatamsa 2018 kum India team nung Australia den Perth nung Test asayaba mapang asaya liasü.

2008 kum November ita Border-Gavaskar Trophy nung mezüngbuba asayaba sülen Vijay-i India team nungi Test 61, ODI 17 aser T20I 9 nung shilem agiogo.

Pai Test asaya nung run 3,982 yanglu, kong century 12 aser half century 15 densema lir. One Day asaya nung pai half-century ka densema run 339 yanglu. Vijay-i pa asaya nungi anenba osang social media post ka ajanga sangdong aser ashiba agi, cricket asaya aser asaya dak sendaka aliba business balala nung maongka tasen bushitsü pa sentong lir.

"Kanga pelashishia ni International cricket asaya formate ajak nungi anenba tanü sangdonger. 2002 kum nungi 2018 kum tashi ya kü taküm nung jangrademtsü takettiba



Murali Vijay

mapang ka liasü aser iba asaya temaba jenjang nung India team nungi asayatsü maongka anguba ya tetushi ulura," ta Vijay-i ashi.

"Board of Control for Cricket in India (BCCI), Tamil Nadu Cricket Association (TNCA), Chennai Super Kings aser Chemplast Sanmar nungeri kü nem maongka agütsüba atema kanga pelar. Kü teammate, coach, mentor aser support staff ajak dang kü pongmang asangsang kümdaktsüba atema kanga pelar aser nenok ajak den külemi jangradema asayaogo," ta pai ashi.

"Cricket fan tem shirnokisa ni asayaba tepeyong pusema aruogo, nenok ajaki ni teti menungra bilemtetsü aser nenoki ni nongita yariba ajanga ni kanga ajungmesogo. Tatamsa

ni kinunger aser medemertem dang parnoki kü career tepeyong temeim agi nongita yariba atema kanga pelar. Parnok medeni tanü ni kecha ajangzüketa lir ya majangzüketa lila.

"Ni maneni cricket aser iba asaya dak sendaka aliba business balala nung maongka tasen bushitsü aser ni meimba asaya nung maneni shilem agitsü. Taküm nung jenjang tasen ka agitsü yonga atar," ta paisa shisem.

Vijay tatamsa first-class aser List A cricket nung Tamil Nadu tenung nungi 2019 kum asayaogo. professional cricket dak sendakba nung pa tatamsa 2020 kum Indian Premier League nung Chennai Super Kings nungi asayaogo.

IPL nung pa CSK nungi asaya aser pai run aika yangluba ajanga pa jenjang junga aküm. 2010 season nung Vijay-i Super Kings pur atema run 458 yanglu kong century ka aser half century ana densema lir. Iba kum pai Chennai nung Rajasthan Royals den asayaba mapang run 127 yanglu aser iba ajanga India team nung pa jenjang junga aküm.

## India Hockey team coach Graham Reid-i mapa toktsür



**New Delhi, Aenjeti/January 30 (Agencies):**

India tebur Hockey Team Chief Coach Graham Reid-i, pa mapa nungi anenba shiti Hockey India tir Padma Shri, Dr. Dilip Tirkey nem agütsüogo.

FIH Odisha Hockey Men's World Cup 2023 Bhubaneswar-Rourkela tembangba sülen anogo ka lir pai iba shiti agüja liasü.

Hockey India tir aser Secretary General Bholanath Singh nati India hockey team asayaba yimya asangtsü aser angatetsü atema aser tarutsü lenmangtem asateptsü asoshi asayar aser support staff tem den ajurutepa liasü.

Analytical Coach Greg Clark aser Scientific Advisor Mitchell David Pemberton natia Hombarnü anepdang tena indang resignation shiti agütsüogo. Parnok asemprongla ya taruba ita tashi inyaka atatsü.

Reid aser pai aniba support staff tem ya India team-i otsüsütüsa Olympic Games Tokyo 2020 nung bronze medal anguba, 2022 kum Commonwealth Games nung silver medal anguba aser 2021/22 FIH Hockey Pro League season nung tasembuba jenjang

nung tembangba nung densema liasü.

Chief Coach ama inyakba mapang Reid lenisüba nung India team-i 2019 kum FIH Series Final akok aser 2019 kum Bhubaneswar nung Qualifiers akokba sülen parnok kecha mebelemi Olympic Games Tokyo 2020 atema qualify süa liasü.

2019 kum nungi India team coach mapa inyakba indang jembiba mapang Reid-i, "ni iba mapa toktsür tangar nem team achaayangdaktsütsü mapang tongogo. India hockey Team aser Hockey India den inyakhshiba ya ni atema tetushi aser maongka ka liasü aser ni jangradema inyakogo. Tarutsü nung takok nguyonga aotsü imlaja atar," ta ashi.

Reid den külemi Greg aser Mitchell na indang resignation agizükba sülen Hockey India tir Dr Dilip Tirkey-i, "Graham Reid aser pai aniba support staff team-i linük asoshi konang tetushi bener arutsüba aser talisa Olympic Games nung takok tajung ngutetba atema India-i parnok dang teti pelatsü. Inyakyim ajak melenshiyonga aoer asünung team inyakyim melenshia aotsü mapang tongogo," ta ashi.

## Joao Cancelo Bayern Munich nung oa adentsü jembishiner

**Aenjeti/January 30, 2023**

**(Agencies):** Manchester City defender Joao Cancelo, Mongolbarnü transfer window meshibang tsüngda German champions Bayern Munich den loan nung oa adentsü jembishinüdar.

Portugal full-back dak sendakba nung club ana tsüngda sensaksem metembang lir, ajisüaka pa euro million 70 yong loan nung oa adentsü aser summer transfer window nung alizüktsü asoshi lenmang sadema lapoka ayutsü.

Arishi kum 28 tain asayar ya 2019 kum Juventus nungi City nung arua aden aser pa Premier League nung asaya 98 nung shilem agiogo.

Pep Guardiola kübok City nungi asayaba mapang pai Premier League ana aser EFL Cup ka kokogo.

Cancelo ya taoba mapang Guardiola indang squad nung kanga tongtibang asayar ka asütsü ta züngshia liasü aser pai kanga junga shilem agiba ajanga taoba season anaprongla nung pa PFA Premier League team of the year nung züngoksema liasü.

Ajisüaka World Cup tembangba sülen pa asaya asem nung dang tetenzük nungi asaya lir aser asaya asem rongnung Southampton aser Manchester United den asayaba mapangbo parnoki tamakok ngua liasü.

Lanur asayar Rico Lewis aser Nathan Ake na kanga junga asaya aoba mapang ka nung Guardiola-i, Cancelo oadokyonga defence nung kecha tetsükdaktsü madoktsü ta bilemer. Kasa mapang nung Cancelo-ia City toktsür Bayern nung oa maneni temaba jenjang nung asayatsü jangrar.

**BILEMDANGANG**

"Teyari agütsünüra ajema ajema agüjang."